

40
H. ref.

160

Ficha

40 H. Ref. 160

Capito

Fiche




40 71 ref. 100

Angabe: bekannt d. A. 15243

160 17. 189

R

was man hal-
ten/ vnnd Antwurtten
sol/ von der spaltung
zwischen Martin
Luther/ vnnd
Andres Ca-
rolstadt.
Wolffgang. Sabri.
Capito.





Rad Fryd vnn

erkendnuß seiner warhait/von gott
dem vatter/durch vnsern herzen Jhe
sum Chrustum. Groß freud vnd iuch
zen yez ist vnder den gottlosen lieben
frümen Burgern/ vnd Chriſten. Sy
verhoffen den ſig/wider die warhait
Dan Martin Luther vnd Andries Ca

rolſtat / ſeynd der ſachen vnains . Sy ſagen bey in alſo/ Ain
yegklich reych/ ſo es in jm ſelbs vnains/ wirdt verwüſtet/ vñ
ain hauß ſallet über das amder Luce am 11. Capi. Chriſtus
iſt nu in ſtuck abtaylt 1. Co: 1. Er mag nit lenger beſton/vn
ſer eer vnnnd gentēß/vom euſſern gotßdienſt/ muß nun wider
auffgericht werden/ dann wa der gayſt verleſchet/hatt das
flayſch allē raum. Wölches geſchay jr euch nit ſolt irren laſ
ſen. Jr wiſſend wem jr glaubt haben/ das er euch eweren bey
lag bewarnt an/ biß an jhenen tag 2. Tim. 1. Halten euch nur
wie jr auß der geſchufft von vns täglich hören/ dem vorbild
der haylſamen wort nach / vom glauben vnnnd von der lieb
in Chriſto Jheſu/ in wölchem vns verzeyhung der ſünd vnd
gnaden geben iſt/nach dem hayligen ruff vnd fürſag Gote
tes/vnd nit nach vnſerem wircken/darauff beſteen mit ſray
digkait. Dann vnſer her: Chriſtus Jheſus/ iſt von gott dem
vatter geſetzt ober allē das genendt werden mag. Ephe. 1.
Auff den abent werden ſy ſich umbkeren/ vnnnd doch nitt er
ſetiget werden/wie David ſagt / ſo in alle hülffenzogen ſeyn
wirt / ſo ſy befunden werden/ das ſy zu irem verderben/was
ſy für gñs angeſehen hat/ gethon haben/ Deute. 12. Vnd das
jrs wegs end/die weg des todts ſeyn/ Prouer. 14. Ja dann
wirt/in der freud jr hertz laydhafftig ſein/jr freud wirdt mit
ängſtigem trübsal beſchloſſen vnd geendet werden. Vnnnd
aigentlich zu reden/ ſag ich/ das ſy yezund voller trawre ſein
Da Zophar Naamithes die ſteyffe hoffnung des gerechten
Jobs / vnnnd die ſtraff der böſen horte/ vmb ringten in ſeyne

gedencken/vnd ain getümmel ist in im erwachsen. Dise vn-
sere seynd/so sy vnser bestendig hoffnung/vnd fryden vor au-
gen sehen/das wir nit dengayst der welt / sonder den gayst
auff got empfangen haben 1. Corinthe. 2. Wölicher ain gayst
ist der sterck / vnd allerlay fraydigkait im herren zu auffbau-
ung/so werden sy vber vns betreten /wie der Juden Rade/
Actu. 5. Vber den Aposteln. Vnd halten vns schmälich/das
wir nit achten. Wir mögen wol der welt schabab/ vnnnd der
welt vnnnd der Engel schawfalt sein/auff das wir den preys
der von got allain ist/erlangen.

Zu dem gebietten sy/das wir disen weg vnseren nächsten
fürter nit leeren sollen/ vmb des willē doch Christus gestorbe
ist / der wir doch sollen vnseren seynden wolthat beweysen.
Was vnderlassen sy aber: wie vil selzam lügen haben sy auf
vns erdicht. Dem geben sy zu/er sey vnder den knechten/
härenwaybel gewesen. Dem andern er sey bey der magt/vnd
im Lebruch begriffen worden. Dem dritten das er gestolen
hab. Vezt bringen sy ain red auff/ das wir alle Oberkait be-
geren vmb zu stürzen / yezt das wir aygemützig leer füren/
die doch allain ire Teufflische händel senberlich antasten.
yezund anders vnnnd aber anders/wie sy jr vatter der lugner
vnd der lesterer auffstiffet.

So alles nit helfen will/sagen die dapffern thewrē lewte
wie das wir den Ewangelischen handel vnrecht handeln/
vnnnd Luther selbs schon wider vns schreybe. Dis gericht/
haben sy vergangnen Summer offte ernewert / vnnnd jüngst
abermals fürgeben/das ains Churfürsten Botschafft vom
Luther selbs vber disch gehört hab/ wie vnbillich wir faren
vnnnd wie truzlich er vns wölle zu boden stossen/das Luther
durch ain brieff an mich widersprochen hat. Also halffster-
rig ist die böshait/das sy so offte in der lügen begriffen / sich
nit wayste zu schämen. Ain dieb im diebstal begriffen/er-
schücket von hertzen/vnd schämpt sich/Hieremi. 2. Vnd dise
vnser seynd / die grossen eeren dieb / seynd so offte im falsch
erwischt/vnnnd haben noch kein abschewhen. Vnser gayst.

wirdt aber darumb nit matt/wir ersigen nit/ wir steen dar
umb nit ab vñ der warhait/weder jr liegē noch bochen fürch
ten wir/sonder beharren im wort mit aller fraydigkeit.

Deßhalb der teuffel auß den falschen brüdern anstoß auff
treibt/ vnd bewegt etliche vnnütze eyttel vñd eersüchtige
das sy auß wort streyt sich hören/die allain reichē zu vmbstür
zen der zühörer gemüter/thorichte fragē spiegeln sy auß/ die
nichts leeren / sonder nur zancf geben Timothe. 3. vñd 2.
Timothe. 2. Ain solch raupen nest waimlet in schwaben/ wie
man sagt/seynd seynd sy des Creutz Christi/ vnd lassen kein
hell geschriefft vngetadelt. Sollich werck bringet allenthalb
das fleisch Gal. 5. das da ist/vngeschlacht/rauch/ häderig
bissig/vnkind/vnd voller rümsucht. So alle laster still sein/
fallen sy dem lesterer ins vitayl/durch eer/geyrt vñd stolze
wort/kämpf/die sy/als auß ain eyfer vmb der warhait/für
nemen/vnd doch sich allain süchen/vnd nit der gemain nutz
mit verbittertem gemüt gegen sein widerfacher/so doch der
eyfer vmb gott/nach der lieb gemässigt sein solte. Wir sollen
nit fürwitzig leeren achten/die darbey erkandt werden/wan
sy mer fragen auffbringen/dan besserung in got an glaubē
1. Timothe. 1. Aufßs gebot des herren sollen wir ganz achten
das die hauptsüm ist/lieb von raynem hertzen vñd güttem
gewissen / vnd von vngeserbtem glauben. Was dahin nit
raychet / füret ab zu vnnützem geschweiz.

Wa aber vnder dem scheyn der lieb/wir verkündung des
halls vnderliessen/wer es vnordenlich/vnd gleych ain nerz
schen vatter/der sein kind ain scharpff messer in die hend ne
men ließ/auff das es nit waynet. Das in notwendiger leer vñ
vns bißher fürkommen ist. Die getrewen diener im wort ha
ben angriffen die irung gewaltiglich/ auff den glauben ge
trungen/die gnad gottes groß gemacht / vñnsern verdienst
geringert/was sünd vñd gerechtigkeit sey angezaygt/ den
falschen Gottsdienst zu rück triben / mit heller geschriefft/
durch vilfältig vnd embsig predigen / die öffentliche erger
nuß/vorhin auß dem hertzen gerissen / durch das wort/dar

nach nit fügen vnd aller stille eufferlich abgethon/ mitt der
 that. Dañ mit dem gaist seines munds/ will der herz den sun
 der verderbnuß/ vñ nit mit der hand vmbbringen 2. Thessa. 2
 Got hat auch gnad vñd fůrgang verlihen/ mit aller still/
 vñd růw das vnderfchaid der tag/ vñd speyß ist hinweg/ als
 Bápftlich feyren/ fasten/ Beychten/ zum Sacrament geen/
 ja aller aygenwilliger gotßdienst verleschet bey vñs. Das
 wachß brennen/ geweycht Salz/ Wasser nemen/ Vigilien/
 Messen / vñd die sibenzeyt hören/ iargezeyt/ seelen geredt/
 walfart/ Römisch gnad vñd Ablass / geet alles zů boden/
 on mercklich bewegung. Das mitt holdern kein gewalt vera-
 möcht hette. Es hatt ain Ersamer Radt/ mitt dapfferkait
 die Tempel etwas von gözen geraump / vil amplen vñd
 ewigeliichter außgeleschet/ vñd wurd mit gleycher linde/ so
 bald got gnad verleyhet/ weyters farē/ vñ alle gözen abthůn
 Warumb solt man aber hynein rauschen/ vñd ee hand an-
 legen/ weder das wort getriben were. Im hertzen thůnd die
 gözen am grōsten schaden. Dann wōliche das wort gehōrt/
 wissen das der gōz nichts in der welt sey 1. Corinth. 8. vñd
 br̃ngt in kein anstoß. Lassen die bildenuß ain gůtt Creatur
 gottes seyn. Wōliche das wort noch nit gehōrt haben / wer-
 den durch hynnemung der gözen vor der predig/ nur verbit-
 tert/ vñd an den kopff gestossen/ das sy deßter weniger/ hyn-
 nach der warhait oren geben wurden. Den glauben gibe
 doch Gott durchs gehōrt wort/ vñd nitt durch vpliglich
 hynnemung der gözen. Auch geschech also grosser schad/
 on hoffnung ayniger frucht. Dann was ist/ das etlich gōze
 vngeßtem abgerissen weren von den wenden/ da sy dem
 glaubigen nit schaden/ vñd dem vnglaubigē alle ding scha-
 den/ aber im hertzen/ da sy allen glauben außschließen noch
 verlassen werden.

Paulus hatt zů Athen/ kein gözen hynweg genommen/
 kein hand vberal angelegt. Aber von warer Gottes er/ wi-
 der die gözen gepredigt/ vñd als sy sōliche leer mit angenom-
 men/ ist er abgeschayden vñd kein gözen mitt dem finger

angerürt. Dann all vnser handlung fürnemlich / von inen
im hertzen ansahen vnnnd herauß flyessen soll/ nit von aussen
hynen getriben werden. Vnnnd wollen darumb / wie etlich
vns zu messen/die gögen nit verthedigen/sonder den blöden
dienen/vnnnd mit der zeyt nützlich fürnemen/das in der eyl/
sonst zu schaden raychen wurde. Also ist vnser handlung
nach der lieb reguliert/vnnnd hat fůrgang/so wir sunst mit
vngeschicktem schnurren/die süsse der lieb verbittert / vnnnd
nichts geschafft hetten.

Den weg will gott/ werden wir geen/ob schon ain Engel
von hymel/da wider vns treiben wolte/vnnnd embzig eyfern
vmb die eer Gottes/ darneben Christlicher lieb / vnnnd vnser
pflicht gegen der zeytlichen Oberkait nitt vergessen/ der wi-
derchrist vnd die gotshässer sollen kein rñw vor vns haben/
vnd die gütherzigen wollen wir schön vnd seuberlich hand-
len/ob es gleych allen Teuffeln layd were/ die durch zűhűn
vnser feind mit aller geschwindigkeit/kein hynderauß thűn
mögen/ob sy vns gleych wol in sorgen fűren / vnnnd machen
das wir deyster ernstlicher zű Gott jűnen vnd rűssen műssen.
das helff vns Gott Amen. Vnnnd mag seyn das wir etwom
fürwenden die schwachait der gemayn/so es vnser schwach-
hait ist. Dann das wir den ernst/vnd des gaystes lebhaftig
treiben noch nit vollkommen haben. Darumb so bitten wir
alweg vmb meerung der gnaden / vñ erwartē democht die
würckung/des/der alles in allen dingen wirckt.

Laßt euch nit erschrecken lieben freűnd / vertrauen Gott
durch Christum/nyemandt mag euch von seyner hand ab-
reyssen. Johan.am 10. Seind nit mer kűnder/lassen euch nitt
vmbherwege/vnd vmbwehen/ von allerlay wind der leeren
durch schalckhait der menschē vñ teutscherey/ damit sy vns
gern erschlichen/zű verfűren. Ephe. 4. Das wort Gottes ist
kressstiger/vnser grund weycht nit/Wa wir darauff besteen
bleyben/vnnnd ausserhalb dem wort Gottes wollen wir nitt
wissen/euch nichts anzeygen.

Dieweyl aber ferlichkeit/von den falschen brűdern nit die

geringst ist 2. Cor. 11. Vñ sich die selbige yetz zu traydt. Auch diereywl das auffstien möchten/ die villeycht eyttel Eer geydig seynd/ vnd sich vnder ainander entrüsten vñ hassen/ wie zu den zeytten Pauli bey den Galatern Gala 6. Deren etlich mit der geschafft scherzen werden/ vnd irer süchtigen begir den/ da mitt ihenen/ Die layder wenig achten/ was anstoß sy bringen/ was sorgen/ ängsten/ vnd trübsalen/ den gütwilligen gewissen sy einfürē. Auch diereywl/ das zwischen Martin Luther/ durch den got biß her/ vñ noch / seyn eer wunderbarlich fürdert/ vnd seyn wort offenbart / vñnd Andries Carolstat dē wir auch für ain geleertē gehülffen im wort/ noch geren halten wollen/ durch den lesterer etwas zancs erhabē hab ich disen trost vñ bericht/ in der eyl euch wollen zuschreyben. Dann gleych jr alle vmb seyner zukunfft willen/ bewegt vñnd vnrußig seyn sollen / wie mich anlanget. Vñnd sag. Zum ersten.

Vñser glaub soll nit hangen an menschlichem tag/ sonder bloß stien auff dem wort gottes vnd seyner verhayßung deßhalb die geschriffte den vermaledeyet/ der in ain menschē vertrauet/ der flaisch für seyn arm scherzet Hiere. 17. Man soll alle menschen für menschen haben/ vñnd von nyemandt weytters verhoffen/ auff das vnser hoffnung allain an gott hange. Die erfahrung leeret vnns auch täglich/ wie eyttel/ vñ gewiß / falsch / vnd lügenhafftig die menschlich natur ist/ das vns raichet zu yebung vnser jñi. Wa zeytelich hoffnung auffhöret/ da hebe die götlich an. Zu dem fürdern trübsaln dann wir sehen wie der herz/ das volck von Israhel/ vierzig jar in der wüste gehalten hat/ auff das er sy diemütiget vnd versucht/ das kündt wurde/ was in iren herten were/ ob sy seyn gebott gehalten hetten. Deute. 8. Also wurd vnser synn durch sollich anstoß/ geyebt zum vñderschayd des gütten vñ bösen/ vnd gewonet von allen Creaturen sich auff got allain zülenden/ der allain vnser gott seyn soll. Sunst wurde / dem götlich eer zu gemessen/ den wir/ so warhafftig vñnd gewiß hielten / das er nicht irren möchte / So doch alle menschen

lügenhaftig seyn. Vil veruerten sich/das sy auff Gott ver-
hoffen / aber von schlechter ansechtung oder menschlichen
sell/irer vorsteer fallen sy / dan jr grund auff ains menschen
glauben/ vnd ansehen gesetzt gewesen ist. Wann der selbig
felt/so felt es alles nach/wie grossen scheyn vnd falsch sicher
hait sy gehabt haben. Got will vns hie außburgen/ vnd biß
zum waren grund auff seyn gewisses wort bringen/ vnd biß
sant muß hinweg geraumbt werden / durch widerwertig
laß/ dero halben/dann vns gott etwan schwerlich fallen
laßt/auff das wir gewarssamer auf steen/vnd erkennen das
der preysß seyn allain sey.

Nun seind wir von natur genaigt/ das ain grosser sel ist/
vmb götlich gaben/den menschen zu preysen/ so wir doch in
solchen gaben got allain loben solten/ wölliches vil schaden
bringe/ Deshalb die Apostel Barnabas vñ paulus/als sy für
götter aufgeworffen wurde/in Lystra/dapffer widerstande
sein/vnd haben die eer auff gott gewendet Actu. 14. Ja Pau-
lus enthaltet sich auch die warhait vñ seynē gaben zürümen
auff das nicht yemande in höher achtet/ dann er an jm sehe
oder von jm höret 2. Corin. 12. Auff dis weys verwarnt Lu-
ther mánigklich/das man das Euangelion mit seynem na-
men nit beschmeysse/vnd laßt jm mißfallen/ das etlich auß
seynem namen Secten machen wollen/ vnd sich Luthersich
nennen/dan er nichts durch sich leere/sond inhalt der schrifft
saggt er an/ die er wol besser vñ geschickter handelt/meiner
achtung nach/weder in etlich hundert jaren von Eaim noch
nye beschehen ist/so natürlich/so satt/vnd dapffer/auff dem
grund/vñ der warhait handelt er sy gemaynlich. Damit ich
doch nyemande/ seym vitayl will gestrafft haben/ noch an
seynere achtung geringert. Darauß folget/das etlich zu vil in
jn setzen m öchten/vnd mer den Luther verwundern / dann
Gott selbs / von dem solliche gaben herkommen / vñnd der
Christlich gemayn zu gütt geben seyn. Wöllichen von Gott
von vñs nympt/vnd saggt vñns an/das wir noch nit satt
glauben/die vmb einfallender zantreden/ vñnd zwayung

willen/ abweycken / oder klainmütig bey vns selbs werden.
Es fall gleich wer nit entlich berüffen ist/ im namen gottes
vns gebürt nichts desterweniger/ inß gebott vnd wort got-
tes zu sehen/ vnnnd dem als dem gewisten/ on wancken anzū-
hangen.

Es laufft in disem handel/ vil vngerattens mit ein/ dara-
durch will euch Layen got der herr berichten/ vnd zu verston-
geben/ wie gefehrlich es ist / höhers von menschen zu halten/
wann die geschriffte besilhet / vnd gibt euch zu greyffen das
etwas sel bey allen menschen gefunden wirdt / auff das die
eer gott allain bleybe. Doch lieben freind/ sollen jr nitt auß
hyt aynigen tayl vrtaylen. Bedencken das Paulus vñ Bar-
nabas sich auch gezwayet habē/ vnd seynd doch alle beyde
zween redlich Apostel gewesen. Wiewol das truglich schum-
pfieren/ böse anzayg auff jm treget. Vnd ist nitt befolhen die
personē zu vrtaylen / aber die leer nach der satten geschriffte
zu bräuen. Das fundament bestet noch. Gott kennet die
seynen.

Das aber der Gottlos hauff/ so gewiß yezund verhoffen
will/ vndergang des Euāgelions/ sollen jr euch nit beschwe-
ren lassen/ wie jr vnärtig leben / die frummen etwan befület
het vnd beschwert/ Abacuck 1. Dann jr bey euch offte erfahren
das der Prophet warhafftig spricht/ der gotlosen hoffnung
verdirbt. Vnd weyter/ die freud des heuchlers ist augenblick-
lich Job. 20. endet sich mitt layde. Prover. 14. Bissher/ von
gottes gnaden/ seyn alle jr anschleg wider sy / zu fürderung
des worts außgangen / on vnnsern schaden/ das wöllen wir
fürter auch verhoffen. Dann vns mag nyemandt schaden
thūn/ wir sterben oder leben/ so seind wir des herren.

Zum andern/ will auch nitt von vnnöten seyn/ das erwer-
liebe/ des handels gemaynen berichte hab. Dann gewonlich
voigende forcht/ schwerer ist/ dann die gegenwertig gefe-
rlichait. Auch will sich gebüren/ das jr den halbsfarigen/
das maul verstopffen / vnnnd mitt warer antwurt begegnen
mögen.

Vnd sag/ das in nachgeenden punctē/kein mißuertand
seyen mag/darinn die sum vnser sältigkeit steet. Got hat alle
ding vnder die sünd beschlossen / das er sich vber yederman
erbarmet Gala .3 .

Auß gnaden seynd wir sältig worden / durch den glauben
an Christum Jesum/vnd das selbig nit auß vns. Es ist got
tes gabe/nit auß den wercken / auff das sich nitt yemandes
rühme Ephe. 2.

Seytemal wir auß der gnaden/ vnd nit auß den wercken
sältig werden/ vnd die Bapstlich Kirch durch vil leyblicher
yebung die sältigkeit süchte. Volget das sy mit allen iren ay-
gen willigen gottes dienst vnd ordnung/ als Mese/ Vigilien
horas singen/lesen/pfeyffen/Pfaffen/ Kirchen/ Salz/ vnd
anders weyhen/ für die seelen bitten / anrühren die abgestor-
benen hayligen/bildenuß eeren/ Beychten/gnügehün für die
sünd/vnder schaiden zeyt/speys vnd stett/ vnd mit anderen
auffsetzen wider Christum ist/vnnd gott den herren entereet
Mathei am 15 .

Aber hie ist etwas klainer vnder schayd/wir begern durch
das wort alle mißbrench / vñ vnrechten gottdienst/ auß der
menschen hertzen erstlich zu bringen/ vñ dan eusserlich auch
ab zústellen / da wider etlich vnser versaumnus vnnd trege
handt straffen/vnnd wöllen das alle dise ergernuss / mitt
der hand zñuor hingenommen werden/Vnnd das man dem
faulen hauffen nit so lang raum gebe. Item freuel nach/die
seelen so vnuerholen zu verfűren/vnd gott zñ lesteren .

Tun frewen euch lieben gögen knechte/dan vns/den Lutz
gelischen vnnd gottgläubigen/ ist zñ werck geschnitten/wir
selbs haben schwer gegen händler/ die auß der geschafft wi-
der vns streyten/helffen vnnd radten/das kein fryd vnder
vns sey. Es ist nott/sunst wírdt vnser sűrmemen nit abgetri-
ben. Dann besteen wir / die allain durchs frey wort wider
euch handlen/so müssen ewere hochtragende helff/ mitt der
zeyt dem joch Christi entweychen vnnd statt geben/werden
wir abgetribē vnd behauptet vnser gegen sacher/ so müssen

ir ains mals gestürmet vnnnd vberstürzet werden / Da ist
kein mittels. Zu beyden theilen vnser eysen vmb gott / wurde
mit ablassen / darumb ir kein gewinnets habend. Dann wir
endlich dahyn beyde theil tringen / das ir gotlosen nit mer
seyn. Wöliches gott bald verschaffen wölle. Amen.

Der Mess halben / seyn wir auch ains / mit der hellen war
hait / wider euch götz krämer / das die Mess kein opffer ist /
das sy nit soll in frembder sprach gehalten werde / das sy nit
soll die vnnützen schädlichen züßer haben / das alle Mess
stiftungen / vñ alle Pfaffen Messen wider got seyn. Da sarē
baide wider euch / wir mit füge auß dem wort / ihene begertē
euch gesellen ains mals das handwerck nider zulegen. Als
wol güt vnd nutz were / das es bald gar nider gelegt wurde.

Deßhalb wir den namen / Mess meyden / vnnnd pflegen es
zu haissen des herren nachtmal. Dann Mess haist opffer in
der Hebraischen zungen / auff das der nam ewer gewerb nit
vnderstürze. Doch so es yemandes vmbß gebrauchß willen /
vnd auß gewonhait / on auffsatz Mess nemet / Können wir
den selben nit straffen. Dann am namen nichts gelegen ist /
das hertz vnd gemüt ist anzusehen.

Das brot vnd weyn haben wir vnzher auffgehaben / vnd
wissen dennoch das das opffer so im gesetz genandt ist Tru
ma vnd Tnupha auffgehaben ward. Damit aber solchs nit
für ain opfferung von yemande angesehen wurde / habē wir
euch täglich auß der Epistelen zum Römiern ermanet / was
wir opffern sollen. Nemlich vnser leyb zum opffer das da le
bendig / heilig / vnd got wolgefellig ist. Wöliches ist der ver
nünfftig gotßdienst. Roma. 12.

Wir haben noch Messgewand / alben / den Kelch / steen
gegen dem Altar vnd deßgleiche gemaynbossen werck / das
ob gott will / nit lang weren soll. Doch wolten wir in solchen
dingen / nit gern die blöden bemühen / noch ainer zeytlichen
Oberkeit zu wider handeln / die vns von gott geben ist / vnd
die gottes eer durch frydē / on verwürung des gemainē nutz
auch süchet. Warñß wolten wir vmb der eusserliche klaidüg

willen / vnserem brüder ain anstoß geben / vmb wöllliches
willen Christus gestorben ist. Wiewol wir leyden möchten/
das es schon geendert were/ aber mit fügen vnnd ordenlich/
als dan alle ding von vns beschehen sollen. Da wirdt vnser
auffhebung auch fallen/ die also dem opffer von Got zu ge-
aygent ist/ das doch nit darüß ain yedes ding/ ain opffer sey
so in ander maynung dann zu opffern auffgehoben wirdt/
Wider ain protestation handeln/ bringet im rechten schaden
aber wir bezeugen vnns / das wir nit opffern wöllen/ vnnd
opffern auch nit/ sonder treyben allain das gewon gepreng/
der schwachen zu verschonen.

Von wölicher lindigkeit wir nit bald weychen werden/
sonder sit sam nach dem vorbild Pauli faren / das wir auch
mit schüffelichen vsachen/ wa es von nöthen seyn wirdt/ er-
halten mögen/ mit freintlich handeln/ vnd embßigem trey-
ben/ des worts ist in ain jar / etwas fürderung der eer Gots
tes hie zu Straßburg geschehen/ das mitt ain frenel vnnd
mit der hand/ ain schlechter gewalt nymmer erhalten hette
Wir sollen gott bitten/ das wir in rüh vnd fryden vnd aller
stille/ im dienen mögen/ vnnd solten selbs in ain gemaynen
nutz auffrüg seyn/ das verbiet vns gott/ dahyn soll vns nye
mandt vermögen. Wölle doch deshalb mit nyemant streit-
ten/ der ainer andern maynung ist. Nur das ain yeder seyns
synns gewiß sey/ vñ vnder ainander das band brüderlicher
lieb erhalten.

Die wort des herzen Nachtmals/ in Matheo / Marco /
Luca/ vnd Paulo/ gesteen beyde tayl war seyn/ wahyn aber
das wörclein (das) züzychen sey/ auff dem leyb oder das brot
da ist ain mißuerstand.

Aber lieben freünd/ nemen des hauptstück's war/ des glau-
bens vnd der liebe / vnd bedencen das der Christ inwendig
vnd vnsehbar ist / vnd das er gar an kein eusserlich ding/
es sey zäychen oder anders / gebundē ist. Vnd bedencen/ ge-
brauch des herzen Nachtmals/ nemlich / die betrachtung/
vnnd gedechtnuß Christi / zur erfrischung vnser hoffnung/

durch die wir in gott/sampt allen gläubigen in Christo ver-
ayniget seyn. Das ist die vsach / warumb der her / solliches
Nachtmal für geben hatt. Weytters zu forschē ist überflüs-
sig. Der thonichten fragen sollen wir vns entschlagen ꝛc. Vn-
sern glauben sollen wir mit des herzen brot vnd weyn/durch
die gedechenuß seyns leybs vnd blüts allain speysen / vnd
das übergig faren lassen. Wurd etwas weytters von nöthen
seyn / so lassen euchs gott offenbaren Philip. 3.

Vom Tauff wollen etlich/vnmötige fragen auff bringen /
die wider vns nit wichtig sein mögen. Seytemal vnser thün
in heller geschuift gegründt ist / dawider kein gotglaubiger
zweyffeln kan. Wir haben geleert das die in den herzen Ihes-
sum getaufft seyn / die seyn eingeleybt sein todt / vnd durch
den tauff mit im gestorben vnd begraben / vnd in seiner auff-
ersteung zum newen leben auffstanden. Deshalb ist ge-
brauch des Tauffs in dem / das wir dem alten Adam stetig
klich absterben/wölliches sterben weren soll / so lang dises le-
ben weret.

Vnd zum Tauff gehöret nur wasser / vnd dise wort. Ich
Tauf dich in namen des vatters / vnd des suns ꝛc. Das an-
der alles seynd züsatz / von alten / zu zyerung des Tauffs ein-
bracht. Wir vnderlassen den Chisam / vnd das öl / wa lewt
kommen die es leyden mögen. Dann solch ding zu vil groß
ansehen habē / vnd bey vns / die gnad des Tauffs verdunckelt.
Man achtet höher den Chisam vnd das öl / so der Weycha-
bischoff mit seynen waidsprüchen bezaubert hat / weder des
schlechten wassers / das gott durch seyn wort gesegnet hatt.
Darauf auch gefolget / dz der vnerstendig hauf / die schwä-
chen kinder noch ain mal in der kirchen Tauff / die on Chris-
sam vnd öl / im hauf von den weybern züvor getaufft seynd.
Wann es gelegenhait vnd die zeyt erfordert wirdt / als wir
in kurzem verhoffen / wollen wir näher auf das wort tringe-
n vñ den ganzen vorhack / auff Christlich weyß besserē. Nert
treiben wir allen den gebrauch vnd yebung des Tauffs / dar
auff die hauptsum bestee. Wir befragen vns nit / auff wola-

liche zeýt/vñ was alters man die kind tauffen soll / seytem al
gott seyn gnad vnd gaben über natürlich verleyhet/vnd der
herr dem gütebüchigē/ auff den glauben der die in trügen
gesund gemacht hat. Wa wir kein hell wort haben / vnder
lassen wir zu forschē/so etwas weytters von nöten ist/ wor
de es gott wol offenbaren.

Das etlich aber eusserlich ding hochmachen/vnnd ernst
lich außsprühen / ist zu achten für ain getrewe fürsorg/ dann
sy villeycht bedencen/was irung gefolget/vñ folgen möge
Wölche sy gern verhärten wolten. Sy wissen/das die böß
hafftig Synagog/die Päpstlich Kirch/auf eusserlich ding
gebawen ist/ die sy/für notwendig stuck zur sälligkeit fürge
ben/dardurch aller glaub außgeleschen wurd.

Etwan aber kumpt man über euffern dingen/in ain wort
freyt/das auß menschlicher bewegung erwechset. Dann die
eyferige rümsucht/ vilen seer trang thut. Desßhalb wir ver
warnet seyn sollen/auff das wir vns zwitracht von euffern
dingen nichts bewegen lassen / ob sy schon hoch berümbtes
männer wichtig machen / dann sy dem glauben nitt scha
den vnd kein anstoß bringen mögen / wa man auff Christū
erbawen ist. Ain anzaig ist es/ das diser nitt recht Christum
hab/der betrübt vnnd engstig wurd/ so er hört/das die ge
leerten von Sacramentē/ bildtussen/ vnd andern euffern
dingen sich befragen. Dā ye das reich gottes inwendig ist
vnd gnügsam hell vnd klar in der geschrifft anzaigt. Das
gemaynē verstand nit mag verborgen seyn. Wa zu vil künst
vñ yebang gehört/da ist nichts/das zur sälligkeit eigentlich
gehört.

Sūma summarū lieben frūmen burger/beston auff Chi
sto den vns durch helle geschrifft/ gott der herr allain ange
zaygt hatt/vnd was weytters der geleerten geyß vnd rüms
ucht auff treybe/das lassen faren/vnd sy gleych groß künst
ler seyn. Vnser hayl steet nitt in worten/sonder in der krafft
gottes. Es muß doch ergernuß kommen. Dann also müssen
so bewert seyn / vnder vnns offenbar werden. Wee aber

196
dem menschen / durch den ergernuß kompt .

Laßt euch auch nit beschweren / der Gottlosen hochmüt
vnd stolzieren. Sy frewen sich in bösen dingen. Wir sollen
nur langtmütig seyn / so werden wir sehen / das die seynd der
warhait schamrodt werden / so vnser hoffnung nymmer zu
schanden wirt. Gott gebe euch in seyner erkandnuß on an
stoß für zûfaren. A M E N.



